

3875-UP/16
21.11.2016.

BOSNA I HERCEGOVINA
INSTITUT ZA INTELEKTUALNO VLASNIŠTVO



БОСНА И ХЕРЦЕГОВИНА
ИНСТИТУТ ЗА ИНТЕЛЕКТУАЛНУ СВОЈИНУ

Broj: 03-47-5-665-5/16VT
Banjaluka, 15.11.2016. godine

Asocijacija kompozitora - muzičkih stvaralaca
AMUS Sarajevo
Ul. Obala Kulina bana br. 22/II
71 000 Sarajevo

fax: 033 218 258
n/r predsjednika Skupštine
predsjednika Upravnog odbora
predsjednika Nadzornog odbora
direktora Stručne službe

PREDMET: Rješenje o nalaganju mjera za otklanjanje nepravilnosti u radu, d o s t a v l j a s e.-

Poštovani,

U prilogu akta dostavljamo vam Rješenje o nalaganju mjera za otklanjanje nepravilnosti u radu AMUS-a koje su utvrđene u postupku nadzora nad radom AMUS-a za 2015. godinu.

S poštovanjem,



PRILOG:
- kao u tekstu

DOSTAVLJENO:
- naslovu
- a/a



Broj: 03-47-5-665-4/16VT
Banjaluka, 15.11.2016. godine

Institut za intelektualno vlasništvo Bosne i Hercegovine (u daljem tekstu: Institut), na osnovu člana 13. stav (1) Zakona o kolektivnom ostvarivanju autorskog i srodnih prava („Službeni glasnik BiH“, br. 63/10; u daljem tekstu: Zakon), a u vezi sa članom 12. Zakona, nakon provedenog nadzora nad radom Asocijacije kompozitora-muzičkih stvaralaca „AMUS“, Obala Kulina bana 22/II, Sarajevo, d o n o s i

RJEŠENJE o nalaganju mjera za otklanjanje nepravilnosti u radu

1. **NALAŽE SE** Asocijaciji kompozitora-muzičkih stvaralaca (AMUS) Sarajevo, provođenje mjera za otklanjanje nepravilnosti u finansijskom poslovanju, i to:

-da izvrši naplatu sredstava za nezakonitu isplatu bonusa u iznosu od 68.000 KM.
2. Rok za otklanjanje navedenih nepravilnosti pod tačkom 1. ovog rješenja je 6 mjeseci od dana prijema rješenja.
4. U protivnom, Institut će pokrenuti postupak saglasno članu 14. Zakona o kolektivnom ostvarivanju autorskog i srodnih prava.
5. Ovo rješenje stupa na snagu danom donošenja.

Obrazloženje

I Tok postupka

Postupajući po službenoj dužnosti, na osnovu člana 12. Zakona o kolektivnom ostvarivanju autorskog i srodnih prava („Službeni glasnik BiH“ br. 63/10; u daljem tekstu: Zakon), Institut za intelektualno vlasništvo BiH je dostavio Asocijaciji kompozitora-muzičkih stvaralaca „AMUS“ (u daljem tekstu: AMUS), dopis br. 03-47-5-576/16VT od 05.09.2016. godine, kojim se obavještavaju da će nadležni službenici Instituta za intelektualno vlasništvo BiH, počev od 20.09.2016. godine, obaviti nadzor nad radom i izvršiti uvid u poslovne knjige i drugu poslovnu dokumentaciju kolektivne organizacije u službenim prostorijama AMUS-a.

Institut je izvršio nadzor nad radom AMUS-a za 2015. godinu i usklađenost poslovanja sa zakonima i dr. relevantnim propisima, u periodu od 20. do 21.09.2016. godine, o čemu je sačinjen zapisnik o izvršenom nadzoru.

U postupku nadzora nad radom AMUS-a, službenici Instituta su kontrolisali opšte i pojedinačne akte organizacije, kolektivne ugovore sa udruženjima korisnika, tarife i svaku njihovu izmjenu i dopunu, ugovore sa stranim kolektivnim organizacijama, odluke Upravnog odbora i Skupštine kolektivne organizacije, interne akte organizacije i dr. relevantnu dokumentaciju. Izvršena je i kontrola finansijskog poslovanja AMUS-a, u okviru koje je kontrolisana glava knjiga (analitička i sintetička) kao i svi finansijski dokumenti koji su sastavni dio finansijskog poslovanja AMUS-a.

Institut za intelektualno vlasništvo BiH je sačinio nacrt Izvještaja o nadzoru nad radom Asocijacije kompozitora-muzičkih stvaralaca (AMUS) za 2015. godinu, koji je dostavljen na očitovanje AMUS-u, u roku od 15 dana od dana prijema nacrta Izvještaja. AMUS je zaprimio nacrt Izvještaja dana 11.10.2016. godine.

AMUS je u ostavljenom roku, dana 25.10.2016. godine, dostavio Institutu očitovanje na nacrt Izvještaja o izvršenom nadzoru nad radom AMUS-a za 2015. godinu. Nakon preispitivanja navoda iz očitovanja AMUS-a na nacrt Izvještaja, Institut je sačinio konačni Izvještaj o nadzoru nad radom AMUS-a za 2015. godinu.

II Utvrđeno činjenično stanje

Prilikom kontrole plata zaposlenih utvrđeno je da je Odlukom Upravnog odbora AMUS-a br. O-06/03-14 od 04.03.2014. godine odobren bonus stručnoj službi AMUS-a u iznosu od 3% bruto iznosa koji Upravni odbor AMUS-a odobrio za isplatu tantijema autorima. Odlukom Upravnog odbora AMUS-a br. O-07/02-15 od 02.02.2015. godine **stavljena je van snage** Odluka Upravnog odbora AMUS-a br. O-06/3-14 od 04.03.2014. godine, temeljem naloga Instituta za intelektualno vlasništvo BiH.

Pozivajući se na Odluku Upravnog odbora AMUS-a br. O-06/03-14 od 04.03.2014. godine, a bez uzimanja u obzir Odluke Upravnog odbora AMUS-a br. O-07/02-15 od 02.02.2015. godine, tadašnji ravnatelj stručne službe AMUS-a Mirza Hajrić je donio Odluku br. GD/15 od 14.10.2015. godine, o isplati bonusa uposlenima u stručnoj službi AMUS-a za 2013. i 2014. godinu u ukupnom iznosu od 68.000 KM.

Pozivajući se na Odluku Upravnog odbora AMUS-a br. O-07/02-15 od 02.02.2015. godine, nova ravnateljica stručne službe AMUS-a Lejla Trnčić (od 15.12.2015. godine kao vršitelj dužnosti) dala je nalog knjigovodstvu AMUS-a da evidentira potraživanje za neutemeljenu isplatu bonusa stručnoj službi AMUS-a, u iznosu od 68.000 KM. Od Mirze Hajrića se potražuje 23.000 KM, od Lejle Trnčić se potražuje 11.100 KM, od Damira Rahmanovića se potražuje 12.000 KM, od Nardina Mašića se potražuje 1.000 KM, od Anise Kozlić se potražuje 2.500 KM, od Lejle Husović se potražuje 7.400 KM, od Jasmine Mehačević se potražuje 6.000 KM, od Sabine Hajrudinović se potražuje 1.500 KM, od Sejada Sabljice se potražuje 1.500 KM, te od Asmira Zekovića se potražuje 2.000 KM. Do okončanja nadzora sredstva nisu vraćena na račun AMUS-a.

Na osnovu naprijed iznesenog, u skladu sa članom 13. Zakona, odlučeno je kao u dispozitivu ovog rješenja.

Pouka o pravnom lijeku: Ovo rješenje je konačno u upravnom postupku. Protiv ovog rješenja može se pokrenuti upravni spor, podnošenjem tužbe Sudu Bosne i Hercegovine u roku od 60 dana prijema rješenja.



DOSTAVLJENO:

- naslovu
- a/a